

Na osnovu člana 19. Zakona o Vanjskotrgovinskoj komori Bosne i Hercegovine („Službeni glasnik BiH“, broj: 30/01 i 72/13), člana 36. Statuta Vanjskotrgovinske komore Bosne i Hercegovine („Službeni glasnik BiH“ br. 52/14 i 19/18) i Odluke o proglašenju nastanka stanja prirodne ili druge nesreće na teritoriji Bosne i Hercegovine („Službeni glasnik BiH“ broj: 18/20), generalni sekretar Vanjskotrgovinske komore Bosne i Hercegovine donosi

## INSTRUKCIJU

o postupanju prilikom izdavanja zahtjeva za švicarsku vizu vozačima u međunarodnom cestovnom prijevozu tokom trajanja pandemije COVID-19

### Član 1.

#### (Predmet Instrukcije)

Ovom Instrukcijom utvrđuje se olakšano postupanje prilikom izdavanja zahtjeva za švicarsku vizu vozačima u međunarodnom cestovnom prijevozu tokom trajanja pandemije COVID-19, u odnosu na Proceduru izdavanja zahtjeva za švicarsku vizu vozačima u međunarodnom cestovnom prijevozu (PR-QMS-851-25, izdanje:1 od 01.08.2019. godine).

### Član 2.

#### (Dostavljanje dokumentacije)

- (1) Sve dokumente propisane Procedurom izdavanja zahtjeva za švicarsku vizu vozačima u međunarodnom cestovnom prijevozu, prijevoznici mogu dostaviti putem e-mail-a u elektronskoj formi (skenirane).
- (2) Provjera dokumentacije uz zahtjev za izdavanje vize vrši se uvidom u dostavljenu dokumentaciju iz stava (1) ovog člana.

### Član 3.

#### (Preuzimanje Zahtjeva)

- (1) Zahtjev za izdavanje vize za profesionalnog vozača u međunarodnom cestovnom prijevozu, prijevoznik može preuzeti lično u Komori ili u kancelarijama Komore u Mostaru ili Banja Luci ili tražiti da mu se isti dostavi poštom, preporučeno ili brzom poštom.
- (2) Način preuzimanja Zahtjeva, prijevoznik je dužan da upiše u Obrascu (OB-QMS-851-83; izd. 1 ; 01.08.2019.) i to tako da u rubrici 3. Obrasca “3. Ime i prezime osobe, ovlaštene za preuzimanje Zahtjeva Vanjskotrgovinske komore BiH \_\_\_\_\_“, navede „ime i prezime osobe koja će lično preuzeti Zahtjev“ ili navede „poštom preporučeno“ ili „brzom poštom na teret prijevoznika“.

### Član 4.

#### (Troškovi dostave)

- (1) Ukoliko prijevoznik kao način preuzimanja navede „poštom preporučeno“, troškove dostave snosi Vanjskotrgovinska komora Bosne i Hercegovine.
- (2) Ukoliko prijevoznik kao način preuzimanja navede „brzom poštom na teret prijevoznika“, troškove dostave snosi prijevoznik.

### Član 5.

#### (Stupanje na snagu)

Ova Instrukcija stupa na snagu danom donošenja, a primjenjuje se do dana stavljanja van snage Odluke o proglašenju nastanka stanja prirodne ili druge nesreće na teritoriji Bosne i Hercegovine.

Broj: 01-5-01-5-1509/20

Sarajevo, 11.12.2020. godine



Generalni sekretar

Zdravko Marinković